

## Transkription von Urkunde BRB 1381b

Ort, Datierung: Brandenburg an der Havel, 1381-09-08

Signatur: Domstiftsarchiv Brandenburg, U244

Inhalt: Gise Dyreke: Gewässerverkauf

Jk gyse dyreke vnd(e) fritze vnd(e) gyse des vorbenümeden gyse dyrekens sōne . Bekennen vor vns vn(de) vnsz(en) / rechten eruen . vnd(e) vor all(e)n dȳ dessen brȳf syn odd(er) hōren lesen . dat wi met willen vn(de) met / wolbedachte(n) müde eyndreftliken . Eyn half verndel . des erfliken waters der wubelitze . dat / wilkene hoppemode . borger tū Nowen . deme got genade . worden waz . van delinghe wege(n) / van den verndeale des seluen waters der wubelitze . dat merten mathis . vnd(e) tyle parne . vnd(e) / dȳ vorbenümede wilke hoppemode . van czabele van schorȳn erflike gekoft hadden . vnd(e) dȳ / selue wilken hoppenrode . ghe eruet hadde vp hanse grabowen . clawese hinrike Ebele vn(de) wilkene / gheheyten hoppenrode syne sōne . den ik gyse direke . vorbenūmet dat selue halue verndeale erflike / af gekoft hadde . vn(de) sy my dat genczlike met aller tūgehoringe erflike gelaten hadden . hebbe(n) vor/koft vn(de) vorkope(n) erflike in dessen yegenwordȳgen bryfe . deme wysen ma(n)ne Ern Jane van / knobelok perrer tū Etzin vnd(e) synen rechte(n) erue(n) . met ouerste(n) vn(de) sydesten gerichte vp den wate(re) / met tōgen met erue tynsen alrep met grot vn(de) kleyner vischerȳen . met twen wende(n) vp deme / kytze tū schorȳn met ouersten vn(de) sydeste(n) gerichte dar ouer met vryer weyde vrucht vn(de) nūt , wes / em nōt is . met togeden met rokhūme(n) met aller nūt vn(de) wonheit met alme richte vn(de) met / alle(n) andern tūgehoringe . alze wi dar wentetūher gehāt hebbe(n) nicht<sup>1</sup> v̄t genome(n) . So dat wi / an den wateren vn(de) gude(re)m neyne rechticheit vn(de) nicht<sup>1</sup> vortmer beholden . vn(de) vertyens al vn(de) / gentzliken . vp des vorscreue(n) Ern Janes van knobelokes vnd(e) syner eruen behūf . vnd(e) willen / em des vulkome(n) geker syn . wen vnd(e) war des nōt is . vnde di vorscreue(n) Ern Jan van knobelok / het vns dar v(m)me vulkomen genūghe gemaket . Tu orkūnde vn(de) tū tughe . hebbe ik gȳse / dyreke vorgeant . myn Jngesegele van mȳn(er) . vn(de) van fritzen . vnd(e) van gysen mȳner sōne / vnd(e) van vns(er) erue wegen . an dessen bryf laten hanghe(n) . vnd(e) wȳ fritze vnd(e) gyse vorgeant / bekenne(n) dat gyse direke(n) vnse vorbenumede vader . van vnsz<sup>\*</sup> vn(de) vnser erue wege(n) met vns(er) / witschap vnd(e) met vnsen guden wille(n) sin Jngesegele . wen wȳ selue neyn Jngesegele hebbe(n) / het laten hange(n) an dessen brȳf . dȳ gegeue(n) is tū Br(a)nd(enburg) Jn den iare(n) goddis . drutteynhundert / iar dar na in deme eyn vn(de) achtentichsten iare an vns(er) vruwen dage orer gebort Tuge dess(er) / ding sint dȳ wyse ma(n)ne Ern Jan p(er)rer tu valkenrede otto dyreke vn(de) Claw(es) bremer borgher in der / nyen stat tū Brand(enburg) vnde met guder lude genuch . /

<sup>1</sup> richt ?